



15. februar 2018

Inatsisartut suleriaasianni § 37, imm. 1 naapertorlugu apequtit uku Naalackersuisunut apequtigaa:

Naalackersuisunut apequtit:

- 1. Pisortat suliffeqarfiini ilinniartutut atorfiit amerlisarniarlugit Naalackersuisut qanoq iliuseqarpat?**
- 2. Inuiaqatigiinni pisortat suliffeqarfii taamak amerlatigitillugit namminersorlutik inuussutissarsiortut pisortat suliffeqarfiutaannit amerlanerusunik ilinniartuuteqarnerat Naalackersuisut naapertuuttutut isigaat?**
- 3. Ilinniartunik ilinniartitsinikkut pisortat suliffeqarfiisa inuiaqatigiinni akisussaaqataanerat patajaallisarniarlugu Naalackersuisut suliniuteqalersaarpat?**
- 4. Pisortat sanaartorneranni sanaartortunut taakkulu suliffeqarfinnik sulititaannut soorlu aalajangersimasunik amerlassusilinnik ilinniartoqarnissamik piunasaqaateqarnikkut, inuiaqatigiinni akisussaaqataanissamik piunasaqaateqartoqartarpa?**
- 5. Pisortat namminersortullu suliffeqarfiini ilinniartut praktikkertullu amerlanerulernissaat qulakkeerniarlugu Naalackersuisut qanoq iliuseqarsinnaappat?**

(Inatsisartunut ilaasortaq Aaja Chemnitz Larsen, Inuit Ataqatigiit)

Tunnngavilersuut:

Ilinniagaqartunut ilinniartutut praktikkerfittullu naammattunik suliffinnik pigisaqarnissaq Inuit Ataqatigiit pingaartippaat. Ilinniarsimassuseq Kalaallit Nunatta siuariartornissaanut aqutissaavoq, taamaammallu ilinniagaqartuutitta ilinniakkaminnik naammassinninnissaannut sinaakkuseeqataanissarput pingaaruteqarluinnartuuvoq. Amerlasuunut ilinniartutut atorfeqarsinnaaneq praktikkerfissaqarsinnaanerluunniit ilinniakkap naammassinissaanut aalajangiisuulluinnartarpoq.

Paasissutissat Sulisitsisunit pissarsiat naapertorlugit namminersorlutik inuussutissarsiortut pisortat suliffeqarfiinit amerlanerusunik ilinniartuuteqarput. Tamanna ilaatigut Aningaasaqarnermut Siunnersuisooqatigiit 2018-imi januaarimi ukiumoortumik isumasioqatigiisitsineranni saqqummiunneqarpoq. Pisortat namminersortunut suliassanik isumagisassanngortitsineranni aalajangersimasunik amerlassusilinnik ilinniartoqartarnissamik piunasaqaateqartarnerat pissutigalugu, tamanna pissusissamisoorsinnaavoq. Akerlianik pisortat suliffeqarfiutaat ima annertutigipput, allaat pisortat, tassani Namminersorlutik Oqartussat, kommunit kiisalu suliffeqarfiit taakku ataanni ingerlatsisut annertunerusumik inuiaqatigiinni akisussaaqataanermik tigusingginnerat allaat uggornarluni.

Apeqqutima ulluit qulit ingerlaneranni akineqarnissaat qinnutigaa.